

晉記卷三十七

列傳

蕭山郭倫撰

循吏列傳

昔者周室之衰。刑政紀綱紊矣。而大夫能治其私邑。淫奔者畏不敢奔。大車所以作也。孔門弟子如武城。單父成蒲之績。載在簡冊。猶令人想見三代之遺風。自封建廢而爲郡縣。守令之職益重矣。兩漢之篇。其行事可紀者。大抵敦教化。務安全。而求媚於民誠哉。其爲循也。郡縣之體。上焉承流下焉宣化。天下之治亂繫乎朝廷政事之得失。其間公私緩急之故。何嘗

不在守令哉。是故上有文景之主，而下有殘酷之吏。民不蒙其惠也。上有桓靈之君，而下有慈惠之長。忠信之師，民得安枕而臥焉。夫決疑獄，抑豪彊，剔姦宄，則慈不如明，體人情，杜苞苴，興利益，至誠以感之，愷悌以育之，夙興夜寐，上行而下效，非清仁勤慎，不爲功。元元之命，懸守令其任亦重矣哉。晉自武帝以五條飭吏，而詔書諄諄，賜良吏劉霄、梁柳等穀，以風厲天下，可謂抑末敦本者與。然當是時，帝性寬厚，賄賂公行，結綬者以放濁爲通，彈冠者以苟得爲貴。爰及惠懷中州鼎沸，江左偏安，晉政多門，而循良之績，僅

有存焉。今採其吏事宜於民者爲循吏傳。

胡威

胡威字伯武，一名貌，淮南壽春人也。父質以忠清著名，少與鄉人蔣濟、朱績有聞江淮間。仕魏至征東將軍、荊州刺史。威幼有志尚，質爲荊州，威自京師定省。家貧，無車馬，僮僕驅驢獨行。每至旅舍，放驢躬取樵炊爨。旣至，見父，停廢中十餘日，告歸。父賜絹一匹爲裝。威曰：「大人清高，不識於何得此絹？」質曰：「是吾俸祿之餘，以爲汝資也。」受之而歸。質帳下都督先威未發，請假還家。威行，侶進，每事佐助，行數百里。威疑而問。

之既知。乃取所賜絹。與都督謝而遣之。後因他信以白質。質杖都督一百。除吏名。其父子清慎如此。威拜侍御史。賜爵南鄉侯。歷安豐太守。遷徐州刺史。勤於政治。風化大行。後入朝。武帝語及平生。因歎其父清。謂威曰。卿孰與父清。對曰。臣不如也。帝曰。卿父何以勝卿邪。對曰。臣父清。恐人知。臣清。恐人不知。是臣不及遠也。帝曰。善哉。直而婉。謙而順。卿固乃父之子也。拜右將軍。豫州刺史。入爲尚書。加奉車都尉。威嘗諫時政之寬。帝曰。尚書郎以下。吾無所假借。威曰。臣之所陳。豈在丞郎令史正。謂如臣等輩。始可以肅化明。

法耳。拜前將軍，進封平春侯。太康元年卒於位，追贈鎮東將軍，諡曰烈子奕嗣。官至平東將軍，威弟熙益州刺史。

杜軫

杜軫字超宗，蜀郡成都人也。父雄，綿竹令。軫師事譙周，博涉經書。州辟不就，爲郡功曹史。鄧艾入成都，軫白太守曰：「今大軍西征，必除舊布新，明府盍避諸此全福之道也。」太守出，艾果使參軍牽宏之郡，問軫以前守所在。軫曰：「前守達去就之義，輒自出官舍以俟君子。」宏器之，命復爲功曹。察孝廉，除建寧令，導以德。

政風化。大行秩滿。將歸。羣蠻追送。賂遺甚厚。軫一無所受。去如初至。又除池陽令。爲雍州十一郡最。百姓生爲立祠。得罪者無怨言。累遷尚書郎。軫博學洽聞。駿論明允。時涪人李驤亦爲郎。與軫齊名。每有論議。朝廷莫能踰。出爲犍爲太守。當遷而卒。子毗尚書郎。毗弟秀爲羅尚主簿。州沒于李驤。欲用爲司馬。不受。死之。軫弟烈歷平康安陽令。所至有聲。遷衡陽太守。聞軫亡。因表兄子幼弱。求去官。詔卽轉烈犍爲太守。蜀人榮之。

竇允

竇允字雅始平人也少仕縣稍遷郡主簿察孝廉除
浩亶長勤於爲政課田蠶均調役百姓賴之遷謁者
泰始中詔曰當官者能潔身修己然後在公之節乃
全身善有章雖賤必賞此興化立教之務也謁者竇
允前爲浩亶長以修勤清白見稱河右當擢用使立
行者有所勸主者詳復叅訪有以旌表之拜臨水令
克己厲俗士庶悅服遷鉅鹿太守卒於官

王宏

王宏字正宗高平人魏侍中粲之從孫也魏時歷給
事中泰始初拜汲郡太守撫百姓如家耕桑樹藝屋

宇阡陌。皆躬自指示。曲盡事宜。司隸校尉石鑒上其政績。武帝詔曰。朕惟人食之急。而懼天時水旱之運。夙夜警戒。念在於農。雖詔書屢下。勅厲殷勤。猶恐百姓廢惰。以損生植之功。而刺史二千石百里長吏。未能盡勤。至使地有遺利。而人有餘力。每思聞監司糾舉。能不行賞罰以明沮勸。今司隸校尉石鑒上汲郡太守王宏勤恤百姓。導化有方。督勸開荒五千餘頃。而熟田常課頃畝不減。比年普饑。人不足食。而宏郡界獨無匱乏。可謂能矣。其賜宏穀千斛。布告天下。咸使聞知。遷衛尉河南尹大司農。無復能名。更爲苛碎。

爲有司所劾。帝以宏累有政績。聽以贖論。太康中爲司隸校尉。檢察士庶。使車服異制。庶人不得衣紫絳。遣吏至寒婦人相服。復坐免官。後起爲尙書。太康五年卒。

曹攄 丁紹 喬智明

曹攄字顏遠。譙國譙人也。祖肇。魏衛將軍。攄少有孝行。好學。善屬文。調補臨淄令。縣有寡婦養姑甚謹。姑以其年少。勸改適。而婦不移。姑愍之。乃密自殺。親黨告婦殺姑。婦不勝刑楚。因自誣服。當決。而攄到。攄察其有冤。究辨得實。釋之。獄有死囚。歲夕。攄行獄中。謂

之曰。汝等不幸致此。然新歲人情所重。豈不欲暫見家邪。衆囚皆泣曰。若得暫歸。死無恨矣。攄悉開獄。出之。尅日令還。掾吏固爭以爲不可。攄曰。此雖小人。義不見負。吾爲諸君任之。至期皆相率而還。一縣歎服。號曰。聖君。入爲尙書郎。轉洛陽令。天大雨雪。而宮門夜失行馬。羣官檢察莫知爲誰。攄使收門士。咸謂不然。攄曰。宮掖禁嚴。詎外人可至。必門士盜此以燎寒耳。詰之果服。以疾去官。百姓懷之。復拜洛陽令。齊王冏引爲記室督。冏嘗從容問攄曰。吾出百死。率天下義兵。興復王室。今入輔朝廷。客有勸吾歸藩者。吾其

歸邪。攄曰：蕩平凶逆，匡復帝祚，大王之功盛矣。然道
罔隆而不殺，物無盛而不衰。願大王居高慮危，在盈
思沖，精選百官，拔賢俊，屏私欲。然後脂車秣馬，高揖
歸藩，此百世之勳也。罔不能用，尋轉中書侍郎。惠帝
末，出爲襄城太守。永嘉二年，高密王簡鎮襄陽，以攄
爲征南司馬，流人王逌等屯聚冠軍，寇掠城邑。簡遣
參軍崔曠擊之，而使攄爲督護。攄出戰，期曠爲後繼。
曠許之而不至。攄獨與逌戰於酈縣，軍敗死之。故吏
及百姓奔喪會葬，號哭。卽路如赴父母。又譙人丁紹，
字叔倫，爲廣平太守，政平訟理，風化大行。當是時，河

北騷擾。靡有完邑。而廣平一郡。四境乂安。紹之力也。遷荊州刺史。士庶戀慕。從車千乘。南陽王模留紹刺冀州。境內羣羯爲患。紹捕誅之。號爲嚴明。永嘉三年。暴疾而卒。臨終歎曰。此乃天亡冀州。豈吾命哉。懷帝策贈車騎將軍。鮮卑前部人。喬智明。少喪二親。哀毀過禮。成都王穎表爲殄寇將軍。隆慮共二縣令。部人張兌爲父報讎。母老無子。智明愍之。爲停獄歲餘。令兌將妻入獄。兌於獄產一男。會赦得免。二縣愛之。號爲神君。雒陽陷。沒於劉曜。

吳隱之

吳隱之字處默。濮陽甄城人。魏侍中質六世孫也。美姿容。善談論。幼有清操。而性至孝。執親之喪。哀毀過禮。家貧乏人。鳴鼓每哭。臨恆有雙鶴。警叫祥練之夕。羣雁飛集。時人咸以爲孝感所致焉。嘗食醵菹。以其味旨。掇而棄之。與太常韓康伯鄰居。康伯母殷氏。每聞隱之哭聲。輟飧投筯爲之悲泣。謂康伯曰。汝若居銓衡。當舉如此人。及康伯爲吏部尙書。隱之遂釋褐。輔國功曹。轉征虜叅軍。兄坦之爲袁真功曹。真敗。將及禍。隱之詣桓溫乞代。兄命溫矜而釋之。拜隱之爲尙書郎。累遷晉陵太守。在郡清儉。妻自負薪入爲國。

子博士領著作。孝武欲用爲黃門郎。以隱之貌類簡文帝而止。尋守廷尉祕書監。御史中丞。遷左衛將軍。雖居清顯。祿賜皆班親族。冬月無被。嘗澣衣。乃披絮。勤苦同於貧庶。廣州前後刺史皆多黷貨。朝廷欲革其弊。隆安中。乃以隱之爲龍驤將軍。廣州刺史。假節。領平越中郎將。距州二十里。地名石門。有水曰貪泉。飲者懷無厭之欲。隱之旣至。語人曰。不見可欲。則心不亂。越崖喪清。吾知之矣。乃至泉所。酌而飲之。賦詩曰。古人云。此水一飲。懷千金。試使夷齊飲。終當不易心。在州清操愈厲。帷帳器服皆付外庫。常食不過菜。

及乾魚而已。帳下進魚羹。每剔骨存肉。隱之。覺其用意。罰而黜焉。時人頗疑其矯。然亦始終不易。元興初。詔曰。龍驤將軍廣州刺史吳隱之。孝友過人。祿均九族。菲已絜素。儉愈魚飧。夫處可欲之地。而能不改其操。饗惟錯之富。而家人不易其服。革奢務嗇。南域改觀。朕有嘉焉。可進號前將軍。賜錢五十萬。穀千斛。盧循寇南海。隱之固守百餘日。循踰城縱火。死傷枕地。長子曠之戰沒。城陷。隱之攜家欲還京師。爲循所止。久之得還。歸舟之日。裝無餘資。及至。數畝小宅。籬垣仄陋。內外茅屋六間。不容妻子。劉裕賜車牛。更爲起。

宅隱之固辭。尋拜度支尚書太常。以竹篷爲屏風。坐無氍毹。後遷中領軍。每月初得祿。裁畱身糧。餘悉分振親族。家人績紡以供朝夕。時有困乏。或并食而食。身恒布衣不完。妻子不霑寸祿。義熙八年請老。優詔許之。授光祿大夫。加金章紫綬。賜錢十萬。米三百斛。九年卒。追贈左光祿大夫。初隱之爲尚書郎。謝石請爲衛將軍主簿。隱之將嫁女。石知其貧素。勅移廚帳助其經營。使者至。方見婢牽犬賣之。此外蕭然無辦。後至自番禺。夫人劉氏齎沈香一斤。隱之見之。投於湖亭之水。子延之復厲清操。爲鄱陽太守。延之弟及

子爲郡縣者。常以廉慎爲家法。才學雖不逮。隱之而孝弟絜敬。猶爲不衰。

諸葛恢

諸葛恢字道明。琅邪陽都人也。祖誕。魏司空。爲文帝所殺。父靚奔吳。官大司馬。吳亡。靚竄跡不出。武帝與靚有舊。靚姊爲琅邪王妃。帝知靚在姊家。因就見焉。靚逃於廁。琅邪王掖以見帝。帝曰。不圖今日得復相見。靚流涕曰。不能漆身皮面。復覩龍顏。詔以爲侍中。不拜。歸鄉里。終身不向朝廷。而坐恢弱冠知名。試守卽邱長。轉臨沂令。爲政和平。值天下大亂。避地渡江。